

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
KANTONALNO TUŽILAŠTVO-TUŽITELJSTVO
ZENIČKO-DOBOJSKOG KANTONA
Z E N I C A
Broj: T04 0 KT 0046628 24
Zenica, 07.06.2024. godine

OPĆINSKI SUD U ZENICI
-Sudiji za prethodno saslušanje-
ZENICA

Na osnovu člana 45. stav 2. tačka i) u vezi sa članom 241. stav 1. Zakona o krivičnom postupku F BiH, p o d i ž e m

OPTUŽNICU

Protiv:

D. E., osuđivan,

što je:

dana 14.09.2021. godine, na području grada Zenice, prilikom pretresa kuće i pomoćnih objekata vlasništvo Č.J. i koji se nalaze u ulici ,..., a koji pretres je izvršen od strane policijskih službenika Sektora kriminalističke policije MUP ZDK na osnovu Naredbe Općinskog suda u Zenici od 14.09.2021. godine, u pomoćnom objektu pored kuće, suprotno odredbama člana 4. stav 1., 2, 3. i 5., a u vezi sa odredbom člana 19. Zakona o sprečavanju i suzbijanju zloupotrebe opojnih droga („*Službeni glasnik BiH*“ broj 8/06, 103/08 i 51/11), iako je bio svjestan i znao da je držanje opojne droge radi dalje prodaje protivzakonito, a što je i htio, neovlašteno radi prodaje kod sebe držao dva pakovanja ukupne neto mase 181,572 grama sa sadržajem biljne zeljaste materije, za koju materiju je vještačenjem utvrđeno da sadrži psihoaktivnu komponentu cannabis (CBN) i tetrahidrokanabinol (THC), koja je pod rednim brojem 13. prve liste opojnih droga i rednim brojem 26. liste psihotropnih tvari iz Tablice I „Zabranjene tvari i biljke“ proglašena kao takva i osam pvc pakovanja sa sadržajem nepoznate praškaste materije bijele boje ukupne neto mase 254,997 grama, za koju materiju je vještačenjem utvrđeno da sadrži psihotropnu supstancu „amfetamin“, poznatiju kao opojna droga „speed“, a koja droga je pod rednim brojem 1. tabele II „Popis psihotropnih tvari“ iz tablice II „Tvari i biljke pod strogim nadzorom“ proglašena takvom, kao i jedan pištolj serijskog broja ... koji je fabrički proizveden kao gasni pištolj proizvođača EKOL model P29 kalibra 9mm P.A.K, na kojem su vršene neovlaštene prepravke tako da je promijenjena cijev sa ležištem metka kako bi se omogućilo ispaljenje municije sa zrnom, te se nakon izvršenih prepravki navedeni pištolj smatra vatrenim oružjem i pripadajući okvir za navedeni pištolj u kojem su se nalazila dva komada metaka kalibra 7,65x17 mm, a suprotno odredbama člana 10. stav 1. u vezi sa članom 6a) kategorija a) tačka 2. i 5. Zakona o nabavljanju, držanju i nošenju oružja i municije („Sl. novine Zeničko-dobojskog kantona“ br.9/2013, iako je znao da građanima nije dozvoljeno držanje oružja bez odobrenja nadležnog organa, što je i htio, kojom prilikom su opojna droga i predmeti oduzeti,

dakle, neovlašteno kod sebe radi prodaje držao opojnu drogu i bez odobrenja držao vatreno oružje,

čime je u sticaju počinio krivično djelo neovlaštena proizvodnja i stavljanje u promet opojnih droga iz člana 238. stav 1. KZ F BiH i krivično djelo iz člana 52. stav 1. tačke b) Zakona o nabavljanju, držanju i nošenju oružja i municije ZDK, a sve u vezi sa članom 54 KZ F BiH.

1. Predlažemo sudu da na osnovu člana 239. stav 4. KZ FBiH od osumnjičenog D. E. oduzme opojnu drogu cannabis (CBN) i tetrahidrokanabinol (THC) ukupne neto mase 181,532 grama, opojnu drogu „amfetamin“ ukupne mase 254,852 grama preostala nakon ispitivanja, a koji predmeti se nalaze deponovani u KT ZDK, kao i jedan pištolj serijskog broja ... koji je fabrički proizveden kao gasni pištolj proizvođača EKOL model P29 kalibra 9mm P.A.K.